

20.oktober 2001

UKA 200

**Inissiani attartortittakkani ineqarnermut tapiissutit pillugit Inatsisartut
peqquussutaata allannguuteqarneranik Inatsisartut peqqussutissaattut
siunnersuut**

pillugu

Inatsisartut Isumaginninnermut Suliffeqarnermullu Ataatsimiititaliaata

ISUMALIUTISSIISSUTAA

**allannguutissatut siunnersuutip aappassaaneerneqarnerani
saqqummiunneqartoq**

Inatsisartut Isumaginninnermut Suliffeqarnermullu Ataatsimiititaliaat
suliarinninnermini ukuninnga inuttaqarpoq:

Inatsisartuni ilaasortaq Asii Chemnitz Narup, Inuit Ataqtigiit, siulittaasoq
Inatsisartuni ilaasortaq Ruth Heilmann, Siumut, siulittaasup tullia
Inatsisartuni ilaasortaq Vittus Mikaelson, Siumut, Ruth Heilmannimut sinniisussa
Inatsisartuni ilaasortaq Mikael Petersen, Siumut
Inatsisartuni ilaasortaq Jakob Sivertsen, Atassut
Inatsisartuni ilaasortaq Loritha Henriksen, Kattusseqatigiit

Inatsisartut Isumaginninnermut Suliffeqarnermullu Ataatsimiititaliaata UKA 2001-
imi Inissiani attartortittakkani ineqarnermut tapiissutit pillugit Inatsisartut
peqquussutaata allannguuteqarneranik Inatsisartut peqqussutissaattut siunnersuut
siullermeerneqarnerata kingorna oqaaseqaatitai ilanngullugit oqaluuseraa.

Tusarniaanermiit akissutisiat

Siunnersuut teknikimut aningaasaqarnermullu tunngasuummat siunnersuut allanut pinnani taamaallaat Aningaasaqarnermut Pisortaqaarfimmut tusarniaassutigineqarsimavoq.

Siunnersuutip imarisai

Inissiani attartortittakkani ineqarnermut tapiissutit pillugit Inatsisartut peqqussutaata allannguuteqarneranik Inatsisartut peqqussutissaattut siunnersuut saqqummiunneqarpoq KANUKOKA-p aamma Namminersornerullutik Oqartussat, 2002-mi kommuninut ataatsimoortumik tapiissuteqarnissamut isumaqatigiissuteqarnerisa kingunerisaatut. Isumaqatigiissutip kingunerisussaavaa ineqarnermut tapiissuteqarnermut aningaasartuutit 60 %-iisa Landskarsimiit akilerneqarnissaat, ineqarnermullu tapiissuteqarnermut aningaasartuutit 40 %-ii kommuninit ulloq 1. januar 2002-mi allannguutissatut siunnersuutip atuutilerfissaanit akilerneqartussaallutik.

Tamanna Inissiani attartortittakkani ineqarnermut tapiissutit pillugit Inatsisartut peqqussutaata, Inatsisartuni UPA 2001-imi akuersissutigineqartup, allanngortinneqarnissaanut tunngaviuvoq.

Ataatsimiititaliami amerlanerussuteqartut, tassaasut, Inuit Ataqaigiit, Siumut, kiisalu Kattusseqatigiit, siunnersuut saqqummiunneqartoq taperserpaat.

Ataatsimiititaliami ikinnerussuteqartoq, Atassutip ilaasortaataa, oqarumavoq ineqarnermut tapiissutit aningaasartaat peqqussutissatut siunnersuutip akuersissutigineqarneranut peqatigitillugit akuersissutigineqartussaasut. Tamannali inissianik attartortut inissiamut akiliutaasa qaffanneqarnerannik kinguneqartussaammat, peqqussutissatut siunnersuutip naammassillugu suliarineqarnissaata kinguartinneqarnissaa ATASSUT-ip aalajangiusimagaa

Inatsisartut Isumaginninnermut Suliffeqarnermullu Ataatsimiititaliaata taamatut oqaaseqarluni Inissiani attartortittakkani ineqarnermut tapiissutit pillugit Inatsisartut peqqussutaata allannguuteqarneranik Inatsisartut peqqussutissaattut siunnersuut aappassaaneerneqarnissaanut ingerlateqqippaa.

Asii Chemnitz Narup,
siulittaasoq

Vittus Mikaelson

Mikael Petersen

Jakob Sivertsen

Loritha Henriksen